

*ctionis nostræ fieri contingunt, procedatur sincere, & ex Spiritus S. illuminatione, & non ad importunas preces & minas secularium, qui etiam in electionibus se impedire & intromittere conantur, electores cogendo consentire voluntati eorum, quibus quidem obviare, in quantum possumus, imo hanc pessimam corruptelam, ut pote contra Deum & sancta instituta, extirpare volentes, tenore presentium vobis præfatis DD. Plebanis, Presbyteris, Diaconis & Subdiaconis Titulatis, & cuilibet vestrum committimus, & in virtute sanctæ obedientiæ, & sub excommunicationis pœna latæ sententiæ, unica pro trina canonica monitione præmissa, nec non privationis Tituli sui cujus vigore suffragium dederint, quam ex nunc prout ex tunc in eventum contrafactionis mandato nostro hujusmodi inobedientes, sive inobedientem incurrere volumus; præcipimus & mandamus, quod si quilibet vestrum astrictus vel coactus fuerit importunis precibus aut minis ab aliqua persona laica cujuscunque conditionis existat, tempore quo aliqua immineat in Ecclesiis vestris facienda electio ad aliquem titulum, ad favendum, & votum suum dandum magis uni quam alii, debeat antequam ad electionem ipsam procedatur, nobis significare dictas personas, pronomina & cognomina sua, ac modum precum & minarum, & pro quo, & ad cujus instantiam prædicta fecerint, ut possimus cognoscere qualitatem & efficaciam precum & minarum prædictarum, & providere quod illi pro quibus fuerint factæ, non ballottentur vel eligantur, sive alias prout nobis visum fuerit opportunum. Aliter si procedetur per vos contra formam dicti mandati nostri ad electionem aliquam sic factam vel per nos con-*

*fir-*